

Broj: 01-01.3-1260-13/18 MA  
Datum: 26.04.2017. godine

Na osnovu člana 70. stav (4) Zakona o javnim nabavkama ("Službeni glasnik BiH", broj 39/14), te preporuke Komisije za javne nabavke konstatovane u Zapisniku o pregledu i ocjeni inicijalne i konačne ponude u pregovaračkom postupku bez objave obavještenja o nabavci, broj: 01-01.3-1260-12/18 MA od 13.04.2018. godine, te na osnovu Odluke o poništenju hitnog pregovaračkog postupka za hitnu sanaciju novonastalog klizišta Ban brdo na dionici Vlakovo- Lepenica i pokretanju vanplanske nabavke putem otvorenog postupka putem otvorenog postupka, broj: 01-1542-8/18 od 25.04.2018. godine, direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

## ODLUKU o poništenju postupka javne nabavke

I

Poništava se pregovarački postupak bez objave obavještenja za nabavku radova: „Hitne mjere sanacije klizišta na lokalitetu Ban brdo”, u skladu sa članom 69. stav (2) tačka e) Zakona o javnim nabavkama (u daljem tekstu: Zakon) jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.

II

Odluka o pokretanju i Poziv za dostavljanje zahtjeva za učešće i inicijalne ponude u pregovaračkom postupku bez objave obavještenja su objavljeni na web stranici ugovornog organa [www.jpautoceste.ba](http://www.jpautoceste.ba) dana 12.04.2018. godine, u skladu sa članom 28. stav (4) Zakona, te je Poziv poslan na adrese 3 (tri) potencijalna ponuđača koji obavljaju djelatnost koja je predmet nabavke.

III

U skladu sa članom 70. stav (6) Zakona, JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba).

## O b r a z l o ž e n j e

Javno preduzeće „Autoceste Federacije Bosne i Hercegovine“ društvo sa ograničenom odgovornošću Mostar je u skladu sa čl. 17. stav (1), 18. stav (1), i 21. stav (1) tačka d) Zakona, pokrenulo pregovarački postupak bez objave obavještenja, Odlukom o pokretanju



AB

postupka vanplanske nabavke, broj: 01-01.3-1260-7/17 MA od 12.04.2018. godine, za nabavku radova: „Hitne mjere sanacije klizišta na lokalitetu Ban brdo”. Odluka o pokretanju i Poziv za dostavljanje zahtjeva za učešće i inicijalne ponude u pregovaračkom postupku nabavke bez objave obavještenja su objavljeni na web stranici ugovornog organa [www.jpautoceste.ba](http://www.jpautoceste.ba). Poziv je dostavljen na tri adrese potencijalnih ponuđača koji se bave predmetnom djelatnošću, i to: Geosonda d.o.o. Zenica, TADIĆ-COP d.o.o. Sarajevo i Orman d.o.o. Kiseljak.

U Pozivu za dostavu zahtjeva za učešće i inicijalne ponude u pregovaračkom postupku nabavke bez objave obavještenja o nabavci utvrđen je rok za prijem zahtjeva za učešće/inicijalnih ponuda: 13.04.2018. godine do 09:30 sati u prostorijama ugovornog organa JP „Autoceste Federacije Bosne i Hercegovine“ d.o.o. Mostar, Operativni ured u Sarajevu, Hamdije Kreševljakovića 19, Sarajevo. Komisija je na otvaranju zahtjeva za učešće/inicijalnih ponuda konstatovala da je do utvrđenog krajnjeg roka za prijem zahtjeva za učešće/inicijalnih ponuda blagovremeno zaprimljen 1 (jedan) zahtjev za učešće/inicijalna ponuda.

Po pregledu inicijalne ponude utvrđeno je da je ponuđena cijena u iznosu od 809.389,57 KM bez uključenog PDV-a, dok je procijenjena vrijednost nabavke 675.000,00 KM bez uključenog PDV-a. Dakle, cijena jedine zaprimljene inicijalne ponude je za 134.389,57 KM veća od procijenjene vrijednosti nabavke.

Na pregovorima koji su održani 13.04.2018. godine u 10:00 sati, na osnovu dostavljene inicijalne ponude, Komisija za nabavke je ukazala ponuđaču da je ponuđena cijena veća od procijenjene vrijednosti nabavke te pregovarala o mogućnosti davanja popusta u konačnoj ponudi, što je i konstatovano u Zapisniku o pregovorima, broj: 01-01.3-1260-10/18 od 13.04.2018. godine.

Na pregovorima je utvrđen krajnji rok za dostavljanje konačne ponude, i to 13.04.2018. godine do 13:00 sati. Komisija za nabavke je provela javno otvaranje ponuda, u skladu sa Zakonom, te konstatovala da je konačnu ponudu blagovremeno dostavio 1 (jedan) ponuđač, te da je cijena konačne ponude takođe veća od procijenjene vrijednosti nabavke. Naime, na javnom otvaranju ponuda je konstatovano da je ponuđena cijena u iznosu od 797.140,44 KM bez uključenog PDV-a, dok je procijenjena vrijednost nabavke 675.000,00 KM bez uključenog PDV-a. Dakle, cijena jedine zaprimljene konačne ponude je za 122.140,44 KM veća od procijenjene vrijednosti nabavke.

Komisija je prema članu 65. Zakona pristupila pregledu i ocjeni konačne ponude, što je evidentirano u Zapisniku o pregledu i ocjeni inicijalne i konačne ponude u pregovaračkom postupku bez objave obavještenja o nabavci, koji je sastavni dio ove Odluke.

S obzirom da je ponuđena cijena jedine zaprimljene i prihvatljive konačne ponude znatno veća od procijenjene vrijednosti predmetne nabavke, Komisija je u Zapisniku o pregledu i ocjeni inicijalne i konačne ponude u pregovaračkom postupku bez objave obavještenja o nabavci dala 2 (dva) prijedloga direktoru JP Autoceste FBiH d.o.o. Mostar, koji je dao saglasnost za prijedlog 2 (dva), odnosno da se postupak za nabavku radova „Hitne mjere sanacije klizišta na lokalitetu Ban brdo” poništi u skladu sa članom 69. stav (2) tačka e) Zakona o javnim nabavkama, jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.





Takođe, Uprava preduzeća je donijela Odluku o poništenju hitnog pregovaračkog postupka za hitnu sanaciju novonastalog klizišta Ban brdo na dionici Vlakovo- Lepenica i pokretanju vanplanske nabavke putem otvorenog postupka putem otvorenog postupka, broj: 01-1542-8/18 od 25.04.2018. godine.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

#### **Pouka o pravnom lijeku:**

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni inicijalne i konačne ponude u

**izvršni direktor  
za upravljanje i održavanje:**

.....  
**Marin Jelčić, dipl.ing.saob.**

**direktor:**

.....  
**Adnan Terzić, dipl.ing.**



*AB*

Broj: 01-01.3-1260-12/18 MA  
Datum: 13.04.2018.godine

U skladu sa članom 65. Zakona o javnim nabavkama („Službeni glasnik BiH“, broj: 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“, broj: 103/14), članom 18. Uputstva za pripremu modela tenderske dokumentacije i ponuda („Službeni glasnik BiH“, br.: 90/14 i 20/15) i članom 14. Pravilnika o javnim nabavkama JP „Autoceste FBiH“ d.o.o. Mostar, broj: NO 1.01-724-11/15 od 24.02.2015. godine, Komisija dostavlja:

### ZAPISNIK O PREGLEDU I OCJENI INICIJALNE I KONAČNE PONUDE u pregovaračkom postupku bez objave obavještenja o nabavci

- 1. Naziv i sjedište ugovornog organa:** JP „Autoceste FBiH“ d.o.o. Mostar
- 2. Predmet nabavke:** „Hitne mjere sanacije klizišta na lokaciji Ban brdo“.
- 3. Evidencijski broj nabavke:** 01-01.3-1260/18 MA
- 4. Posebni slučajevi i okolnosti iz čl. 21.-24. Zakona koji opravdava korištenje ovog postupka:** Postupak se provodi u skladu sa članom 21. stav (1) tačka (d) Zakona o javnim nabavkama (u daljem tekstu: Zakon) koji propisuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja. Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.
- 5. Datum slanja poziva za dostavu inicijalne ponude:** 12.04.2018. godine. Poziv za dostavu zahtjeva za učešće i inicijalne ponude u pregovaračkom postupku nabavke bez objave obavještenja o nabavci su objavljeni na web stranici ugovornog organa [www.jpautoceste.ba](http://www.jpautoceste.ba) dana 12.04.2018. godine, u skladu sa članom 28. stav (4) Zakona, te je upućen na adrese 3 privredna subjekta koja obavljaju predmetnu djelatnost.
- 6. Naziv i sjedište svih ponuđača, prema redosljedu zaprimanja inicijalnih ponuda:**  
„Geosonda“ d.o.o. Zenica, 13.04.2018. godine u 09:11 sati, sa ponuđenom cijenom 809.389,57 KM bez uračunatog PDV-a.
- 7. Datum početka pregleda i ocjene inicijalne ponude:** 13.04.2018. godine.
- 8. Analitički prikaz traženih i dostavljenih dokumenata na osnovu koji se utvrđuje postojanje ili razlozi isključenja ponuđača:**  
Ponuđač je zbog hitnosti postupka, a na osnovu Poziva upućenog od strane ugovornog organa, blagovremeno dostavio inicijalnu ponudu koja je ispunjavala sve uslove i zahtjeve postavljene u Pozivu, odnosno Obrazac za inicijalnu ponudu i Obrazac za cijenu inicijalne ponude, popunjen i parafiran Predmjer radova i parafiran Tehnički opis, te dokaz o registraciji za obavljanje profesionalne djelatnosti koja je predmet nabavke (ovjerena kopija Aktuelnog izvoda iz sudskog registra).

AD



- 9. Analitički prikaz traženih i dostavljenih dokaza tehničke i profesionalne sposobnosti ponuđača:** Nisu traženi dokazi tehničke i profesionalne sposobnosti.
- 10. Podatke o pojašnjenju dokumenata u skladu sa članom 68. stav (3) Zakona ako ih je bilo:** Nije traženo pojašnjenje dokumenata.
- 11. Prikaz valjanosti inicijalnih ponuda prema obliku, sadržaju i cjelovitosti:**  
Inicijalna ponuda ponuđača je:  
- Ovjerena i potpisana,  
- Dostavljen dokaz o registraciji.
- 12. Datum slanja poziva na pregovaranje:** Poziv na pregovore poslan je uz poziv za dostavljanje zahtjeva za učešće i inicijalne ponude, 12.04.2018. godine;
- 13. Datum slanja poziva za dostavu konačne ponude:** Na održanim pregovorima dana 13.04.2018. godine, dogovoreno je da ponuđač dostavi konačnu ponudu najkasnije do 13.04.2018. godine do 13:00 sati, na protokol ugovornog organa, operativni ured u Sarajevu, Hamdije Kreševljakovića 19.
- 14. Naziv i sjedište svih ponuđača, prema redoslijedu zaprimanja konačnih ponuda:**  
„Geosonda“ d.o.o. Zenica, 13.04.2018. godine u 12:30 sati, sa ponuđenom cijenom 797.140,44 KM bez uračunatog PDV-a.
- 15. Datum početka pregleda i ocjene konačne ponude:** 13.04.2018. god.
- 16. Analitički prikaz traženih i dostavljenih obrazaca za dostavu konačne ponude:**  
Ponuđač je blagovremeno dostavio konačnu ponudu koja je ispunjavala sve uslove dogovorene na pregovorima, odnosno Obrazac za konačnu ponudu, Obrazac za cijenu konačne ponude, te parafiran i popunjen Predmjer radova.  
Komisija je konstatovala da je ponuda prihvatljiva, odnosno da su dostavljeni Obrazac za konačnu ponudu i Obrazac za cijenu konačne ponude ispravno popunjeni.
- 17. Naziv i sjedište ponuđača koji se isključuju te obrazloženje razloga njihovog isključenja:** Nije primjenjivo.
- 18. Prikaz traženih i dostavljenih garancija za ozbiljnost ponude:** Nije tražena garancija za ozbiljnost ponude.
- 19. Podaci o pojašnjenju inicijalnih i/ili konačnih ponuda:** Nije traženo pojašnjenje.
- 20. Prikaz valjanosti konačnih ponuda prema obliku, sadržaju i cjelovitosti:**  
Ponuda ponuđača je ovjerena i potpisana, cjelovita i sadrži sve obrasce koje je ugovorni organ zahtijevao.
- 21. Analiza konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Konačna ponuda zadovoljava zahtjeve u pogledu opisa predmeta nabavke.
- 22. Podaci o ispravkama računskih grešaka u inicijalnim i/ili konačnim ponudama:** Nisu uočene računске greške.
- 23. Naziv i sjedište ponuđača čije konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo.
- 24. Razlozi za odbijanje inicijalne i/ili konačne ponude zbog neprirodno niske cijene:** Nije primjenjivo.
- 25. Analiza prihvatljivih konačnih ponuda prema kriteriju za izbor ponude:**  
Ponuđač „Geosonda“ d.o.o. Zenica jedina dostavljena ponuda u pregovaračkom postupku javne nabavke za nabavku radova „Hitne mjere sanacije klizišta na lokaciji Ban brdo“.



elb

Konačna ponuda je prihvatljiva ponuda odnosno ispunjava sve uslove propisane pozivom za dostavljanje zahtjeva za učešće, te su dostavljeni svi obrasci za konačnu ponudu, kako je dogovoreno na održanim pregovorima, te konstatovano u Zapisniku o pregovorima, broj: 01-01.3-1260-10/18 od 13.04.2018. godine. Kriterij za dodjelu ugovora je „najniža cijena“.

Međutim, ponuđena cijena konačne ponude, nakon održanih pregovora, iznosi 797.140,44 KM bez uključenog PDV-a, dok je procijenjena vrijednost nabavke 675.000,00 KM bez uključenog PDV-a, prema projektantskom predmjeru i predračunu. Dakle, ponuđena cijena je za 122.140,44 KM veća od procijenjene vrijednosti nabavke.

U tom smislu, u skladu sa mišljenjem Agencije za javne nabavke Bosne i Hercegovine, kao nadležne institucije za davanje savjetodavnih mišljenja u cilju pravilne primjene Zakona, akt broj: 02-02-1-4544-2/17 od 20.11.2017. godine, koje je u prilogu ovog zapisnika, ugovorni organ ima na raspolaganju dvije opcije i to: dodjela ugovora, ukoliko postoji mogućnost preraspodjele budžeta, odnosno obezbjeđenja dodatnih sredstava za predmetnu nabavku ili poništenje postupka javne nabavke.

## 26. Rangiranje prihvatljivih konačnih ponuda prema kriteriju za izbor ponude:

Kriterij za izbor je „najniža cijena“.

Naziv ponuđača	Popust	Cijena sa popustom bez PDV-a	PDV (17%)	Ukupna cijena sa PDV-om i popustom
1. „Geosonda“ d.o.o. Zenica	1,5%	797.140,44 KM	135.513,87 KM	932.654,31 KM

## 27. Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor: Vidjeti tačku 25. ovog Zapisnika;

28. Podaci o dijelu ugovora koji se daje u podugovor i podatke o podizvođaču: Ponuđač je izrazio namjeru podugovaranja sa privrednim subjektom „ALMY TRANSPORT“ Zenica, u dijelu ugovora koji se odnosi na zemljane radove, u iznosu od 30%. Takođe, ponuđač je izrazio da bi plaćanje ponuđaču bilo indirektno, odnosno plaćanje bi vršila „Geosonda“ d.o.o. Zenica.

29. Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci: Nije primjenjivo.

## 30. Prijedlog odgovornoj osobi ugovornog organa za donošenje odluke o izboru:

S obzirom da je u predmetnom postupku koji se provodi zbog krajnje hitnosti dostavljena samo jedna ponuda koja je prihvatljiva, ali prelazi procijenjenu vrijednost nabavke, Komisija za javne nabavke, u skladu sa mišljenjem Agencije za javne nabavke Bosne i Hercegovine koji je sastavni dio ovog Zapisnika, daje prijedlog direktoru Javnog preduzeća “Autoceste Federacije Bosne i Hercegovine” društvo sa ograničenom odgovornošću Mostar da donese slijedeću odluku:

### 1. Prijedlog:

Da ugovorni organ obezbjedi dodatna sredstva za predmetnu nabavku, odnosno za finansiranje ugovora u skladu sa cijenom iz jedine prihvatljive ponude, te da ugovor za nabavku radova „Hitne mjere sanacije klizišta na lokalitetu Ban brdo“, dodjeli ponuđaču: „Geosonda“ d.o.o. Zenica, čija ponuda je jedina prihvatljiva, odnosno ispunjava sve uslove i



AD



zahtjeve utvrđene pozivom za dostavljanje zahtjeva za učešće i pregovorima. Vrijednost ugovora je 797.140,44 KM bez uključenog PDV-a, odnosno 932.654,31 KM sa uključenim PDV-om.

ili

**2. Prijedlog:**

Da se postupak poništi u skladu sa članom 69. stav (2) tačka e) Zakona o javnim nabavkama, jer su cijene svih prihvatljivih ponuda znatno veće od procijenjene vrijednosti nabavke, odnosno od osiguranih sredstava za predmetnu nabavku.

**31. Datum završetka postupka pregleda i ocjene konačnih ponuda:** Komisija je završila pregled i ocjenu konačne ponude dana 13.04.2018. godine.

**32. Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:**


Članovi komisije:

Melika Alajbegović, predsjednik komisije

Aida Zeba, član komisije

Damir Kulenović, član komisije

Za sekretara komisije imenovana je Adila Salčinović.



Prilozi:

1. Kopija Zapisnika o pregovorima
2. Mišljenje AJN

Saglasan:   
.....  
**Adnan Terzić, dipl.ing.**  
direktor



Broj: 01-01.3-1260-10/18 MA  
Datum: 13.04.2018. godine

## ZAPISNIK O PREGOVORIMA

Sastavljen dana 13.04.2018. godine u 10:00 sati u sali JP „Autoceste Federacije BiH“ d.o.o. Mostar, Operativni ured u Sarajevu, Hamdije Kreševljakovića 19, Sarajevo u predmetu: pregovori o tehničkim, ekonomskim, pravnim i drugim aspektima ugovora u pregovaračkom postupku bez objave obavještenja za nabavku radova „Hitne mjere sanacije klizišta na lokalitetu Ban brdo“, koji se provodi u skladu sa članom 21. stav (1) tačka (d) Zakona o javnim nabavkama („Službeni glasnik BiH“, broj 39/14).

U pregovorima učestvovali:

1. Nevenka Vidaković, ovlaštenu predstavnik ponuđača „Geosonda“ d.o.o. Zenica, po dostavljenoj punomoći,
2. Mensur Turčinović, ovlaštenu predstavnik ponuđača „Geosonda“ d.o.o. Zenica, po dostavljenoj punomoći,
3. Melika Alajbegović, predsjednik komisije,
4. Aida Zeba, član komisije,
5. Damir Kulenović, član komisije.

Na osnovu člana 21. stav (1) tačka d) Zakona o javnim nabavkama („Službeni glasnik BiH“, broj 39/14) JP „Autoceste FBiH“ d.o.o. Mostar pokrenulo je pregovarački postupak bez objave obavještenja o javnoj nabavci radova: „Hitne mjere sanacije klizišta na lokalitetu Ban brdo“.

Shodno naprijed navedenom ponuđaču „Geosonda“ d.o.o. Zenica upućen je Poziv za dostavljanje zahtjeva za učešće i inicijalne ponude u pregovaračkom postupku nabavke bez objave obavještenja, a na osnovu Odluke o pokretanju postupka vanplanske nabavke „Hitne mjere sanacije klizišta na lokalitetu Ban brdo“, broj 01-01.3-1260-7/18 MA od 12.04.2018. godine. Zbog hitnosti postupka od ponuđača se zahtjevalo da dostavi Obrazac za inicijalnu ponudu – Aneks 2 i Obrazac za cijenu inicijalne ponude Aneks 3, Parafiran Predmjer radova i Tehnički opis – Aneks 4, te od kvalifikacione dokumentacije je zahtjevan dokaz o sposobnosti ponuđača za obavljanje profesionalne djelatnosti koja je predmet nabavke.

Ponuđač je uredno dostavio svoju inicijalnu ponudu do zahtjevanog roka, te su pregovori zakazani za 13.04.2018. godine u 10:00 sati.


Pregovori o nabavci „Hitne mjere sanacije klizišta na lokalitetu Ban brdo“, u skladu sa članom 28. stav (5) Zakona o javnim nabavkama, vode se između Komisije za javne nabavke JP „Autoceste Federacije BiH“ d.o.o. Mostar imenovane Rješenjem, broj: 01-01.3-1260-3/18 MA od 11.04.2018. godine i ponuđača Geosonda d.o.o. Zenica, kojeg predstavljaju Nevenka Vidaković i Mensur Turčinović, kao ovlaštenu predstavnici.





1. Komisija za nabavke, imenovana gore navedenim Rješenjem, je pregledala inicijalnu ponudu u pregovaračkom postupku bez objave obavještenja za javnu nabavku radova u skladu sa članom 21. stav (1) tačka (d) Zakona o javnim nabavkama, te konstatovala da je ponuđač ispravno popunio dostavljeni Obrazac za inicijalnu ponudu i Obrazac za cijenu konačne ponude, kao i Predmjer radova, te da je dostavio parafiran Tehnički opis i zahtijevani dokaz o registraciji za obavljanje profesionalne djelatnosti. Komisija je prilikom pregleda inicijalne ponude uočila određene računске greške, iste zabilježila i ispravila na način propisan podzakonkim aktima, te upoznala predstavnike ponuđača sa izvršenim ispravkama. Predstavnici ponuđača su i sami izvršili računski pregled ponude i potvrdili izvršene ispravke računskih grešaka.
2. Članovi komisije za nabavku ukratko su obrazložili razloge za provođenje predmetnog postupka javne nabavke zbog krajnje hitnosti, sa kojim je Ponuđač već bio upoznat. Pregovori su se vodili o tehničkim, ekonomskim, pravnim i drugim aspektima ugovora. Na pregovorima se razgovaralo o određenim dilemama u pogledu tehničkog opisa i predmjera radova, a koje je iskazao ponuđač u dopisu uz inicijalnu ponudu. S tim u vezi je zaključeno slijedeće:
  - potvrđena je udaljenost deponije od 15 km od mjesta radova, te da se ista neće mijenjati;
  - potvrđeno je da se u Predmjeru radova, u stavci 8 – drenažne cijevi, radi o prečniku fi 250 mm, za koji prečnik je ponuđač i dao svoju cijenu;
  - usaglašeno je da se u Predmjeru radova radi o drenažnom zasipu iz kamenoloma, a ne o riječnom separisanom šljunku;
  - usaglašeno je da regulisanje imovinsko-pravnih odnosa u vezi sa gradilištem nije obaveza ponuđača.
3. S obzirom da je ponuđena cijena inicijalne ponude veća od procijenjene vrijednosti nabavke, razgovarano je o mogućnosti odobravanja popusta na dostavljenu ponudu. Ovlašteni predstavnici ponuđača su istakli da će razmotriti davanje popusta u konačnoj ponudi;
4. Na pregovorima su ovlaštenom predstavnicima Ponuđača, uz Zapisnik o pregovorima, uručeni Obrazac za konačnu ponudu i Obrazac za cijenu konačne ponude, kao i predmjer radova, te je dogovoreno da će Ponuđač svoju konačnu ponudu, koja podrazumjeva navedena dva obrasca i popunjen Predmjer radova, dostaviti najkasnije do 13.04.2018. godine, do 13:00 sati, na protokol Ugovornog organa, operativni ured u Sarajevu, Hamdije Kreševljakovića 19.

Nevenka Vidaković, ovlašteni predstavnik ponuđača „Geosonda“ d.o.o. Zenica  
Mensur Turčinović, ovlašteni predstavnik ponuđača „Geosonda“ d.o.o. Zenica  
Melika Alajbegović, predsjednik komisije  
Aida Zeba, član komisije  
Damir Kulenović, član komisije





AD



BOSNA I HERCEGOVINA  
AGENCIJA ZA JAVNE NABAVKE/NABAVE

БОСНА И ХЕРЦЕГОВИНА  
АГЕНЦИЈА ЗА ЈАВНЕ НАБАВКЕ

BOSNIA AND HERZEGOVINA  
PUBLIC PROCUREMENT AGENCY

Broj: 02-02-1-4544-2/17  
Sarajevo: 20.11.2017.godine

**JP AUTOCESTE FEDERACIJE BIH d.o.o. Mostar**  
Dubrovačka 6  
71000 Sarajevo  
Faks: 277 942

AG	AGENCIJA ZA JAVNE NABAVKE	AGENCIJA ZA JAVNE NABAVKE
	AGENCIJA ZA JAVNE NABAVKE	AGENCIJA ZA JAVNE NABAVKE
BOSNA I HERCEGOVINA		
AGENCIJA ZA JAVNE NABAVKE		
BOSNIA AND HERZEGOVINA		
PUBLIC PROCUREMENT AGENCY		
Erc: 01-015-4496-10/17		
Datum: 22.11.2017. god.		

**Predmet:** Upit o primjeni Zakona o javnim nabavkama  
**Veza:** e-mail gđica. M. Alajbegović od 16.11.2017. godine

Poštovani,

Na osnovu člana 92. stav (3) tačka d) Zakona o javnim nabavkama ("Službeni glasnik BiH", broj 39/14), Agencija za javne nabavke Bosne i Hercegovine, u cilju osiguranja pravilnog provođenja zakona, pruža tehničku pomoć i savjetodavna mišljenja ugovornim organima i ponuđačima u vezi s pravilnom primjenom ovog zakona i podzakonskih akata, kao i na osnovu detalja iz Vašeg upita, daje slijedeći odgovor:

Članom 69. stav (2) tačka e) Zakona o javnim nabavkama (u daljem tekstu: Zakon) propisano je da je ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno veće od osiguranih sredstava za predmetnu nabavku.

Dakle, ako se ugovorni organ nađe u situaciji da su cijene svih primljenih prihvatljivih ponuda znatno veće od budžeta ugovornog organa, odnosno od sredstava osiguranih za predmetnu nabavku, u pravilu je obavezan poništiti postupak nabavke. Poništenje postupka zbog ovog razloga će normalno značiti da će ugovornom organu biti potrebno da ponovo razmotri sve uslove vezane za nabavku i da na takvoj novoj osnovi ponovo pokrene postupak dodjele ugovora.

Međutim, ovde se postavlja pitanje šta znači „znatno veće cijene“? Naime, to je vrlo relativan pojam, a u postupku javne nabavke odgovor zavisi od niza faktora: veličine ugovornog organa, budžeta ugovornog organa, priliva sredstava, značaja konkretne nabavke, mogućnost prestrukturiranja sredstava itd. U nekim slučajevima, kad ugovorni organ nema finansijska sredstva, i 500,00 KM može biti znatno veće jer ugovorni organ jednostavno nema dodatna sredstva, dok u nekim slučajevima ni 50.000,00 KM ne predstavlja značajna sredstva za ugovorni organ.

✉: Maršala Tita 9a/1, 71000 Sarajevo, BiH • ☎: +387 33 251 590 • ☎: +387 33 251 595  
kontakt@javnenabavke.gov.ba • www.javnenabavke.gov.ba

JP Autoceste FBiH, 01-4496/17, 23.11.2017  
[10265], 22.01.2018 15:00

LD



U svakom slučaju, nije isključena mogućnost da rješenje bude ponovno razmatranje raspodjele budžeta, bez obzira na to koliko su cijene veće. Ugovorni organ može prilagoditi svoj budžet i raspodijeliti dodatna sredstva za finansiranje ugovora, odnosno okvirnog sporazuma. Dakle, u situaciji kada cijena najniže ponude prekoračuje budžet, postoje dva jednako raspoloživa izbora: da se poveća budžet i dodijeli ugovor odnosno okvirni sporazum ili, ukoliko je to nemoguće, postupak se obavezno poništava.

Ovdje napominjemo da prilikom planiranja i donošenja budžeta postoji određeni vremenski razmak u toku kojeg se mogu desiti promjene na tržištu, tako da vrijednost koja je planirana za predmetnu nabavku je znatno povećana do momenta kada ugovorni organ pokreće postupak javne nabavke. Stoga je bitno da ugovorni organ ispita tržište za predmetnu nabavku neposredno prije pokretanja postupka javne nabavke, kako bi mogao da utvrdi realno obim ili količine za dati predmet javne nabavke, a u okviru sredstava koja u budžetu ima na raspolaganju.

S poštovanjem,

**Dostavljeno:**

- Naslovu,
- a/a.

